



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

This work is licensed under a **Creative Commons Attribution-NonCommercial
3.0 Unported** (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

203

56-61

774

280

931-3

1891

2000

ՀԱՅՈՑ ԱԶԳԱԳՐԱԿԱՆ ԸՆԿԵՐՈՒԹԵԱՆ

ԿՈՎԿԱՍԵՂԻՏԵԿԱՆ—ՄԱՐԳԱՐԱՆԵԿԱՆ

ԴՐԱՂԱՐԱՆ

Նուէր օր. Մարիամ Արամեանից՝ ի յիշա-
սակ իւր հօր՝ բժ. Միսսմ Արամեանի:

203
35-61

պ.

4055

Պատկեր - Քժ. Գ. Սյունյանի 3. Բազմաթիվ

280

ԵՐԳԵՑՈՂՈՒԹԻՒՆՔ

Գ. Գալստյան

931-3

Ս Ր Բ Ո Յ Պ Ա Տ Ա Ր Ա Ք Ի



ԱՅԼ ԵՐԳԻՔ ՀՈԳԵՒՈՐՔ

ԳՊՐՈՑՆԵՐԻ ԵՒ ԵՐԳԵՑԻԿ ԽՄԲԵՐԻ ՀԱՄԱՐ

(57606)
1005

ԿԱԶՄԵՑ



Յ. Խ.

ՎԵՂԵՐԾԵՐԸ

Ի ՏՊԱՐԱՆԻ ՍՐԲՈՑ ԿԵԹՈՒՂԻԿԷ ԷԶՄԻՆՃԱՆԻ

1891 — ՌՅԻԱ

31072-42

ՀՐԱՄԱՆԱԻ

Ս Ի Ն Օ Գ Ի

ՍՐԲՈՅ ԷՋՄԻԱԾՆԻ

14440-58

ԵՐԳԵՅՈՂՈՐԹՆԷ

Ս Ր Բ Ո Յ Պ Ա Տ Ա Ր Ա Գ Ի

ի զգէսարանին բահանայի.

Խորհուրդ խորին անհատ անսկիզբն.

Որ զարդարեցեր զվերին պետութիւնդ

ի յառաջատու անմատոյց լուսոյն

Գերապան՝ փառք զգաստ հրեղինաց:

Անճառահրաշ զօրութեամբ

Ստեղծեր զԱղամ՝ պատկեր տիրական՝

Եւ նազելի փառք զգետաւորեցեր

ի զրախոն ազենի, տեղի բերկրանաց:

Զարչարանօք Գո սուրբ Միածնին

Նորոգեցան արարածք ամենայն,

Եւ վերստին մարդն անմահացաւ,

Զարդարեալ ի զգետ անկողոպտելի:

Անճրեւածին բաժակ հրահոսան

Որ հեղար յառաքեալսն ի սուրբ վերնատանն,

Հեղ և ի մեզ, Հոգիդ Սուրբ Աստուած,

Ընդ պատմութեանին զՔո զիմաստութիւն:

Տան Գում՝ վայել է սրբութիւն,

Որ զգեցար զվայելութիւն

Սրբութիւն փառաց ընդ մէջ Գո ածեալ

Պատեան զմէջս մեր ճշմարտութեամբ:

Որ զարարապարծ բազուկս Գո

Տարածեցեր ընդդէմ ատեղաց,

Հաւատաւեան զբազուկս մեր կարողութեամբ

Համբարձմամբ ձեռաց առ Քեզ միջնորդիլ:

Ի իւսմամբ թագ ի գլուխ պատեսցես զմիտս և զգայարանս,

Խաչանիշ ուրարմամբ ըստ Ահարօնի,

Ծաղկեալ յոսկիթել ի զարդ խորանի:

Բամից բոլորից տիրապէս աստուածպետական

Նախորտապատ սիրով զմեզ զգեստաւորեցեր

Քուժ սուրբ խորհրդոյդ լինիլ սպասաւոր:

Թագաւոր երկնաւոր, զեկեղեցի Քո անշարժ պահեա՛,

Եւ զերկրպագուս անուանդ Քուժ պահեա՛ ի խաղաղութեան:

Աստուծո՛ւ ՂԹ. Աղաղակեցէք առ Տէր, ամենայն երկիր,

Ծառայեցէք Տեառն ուրախութեամբ:

Մտէք առաջի Նորա ցնծութեամբ,

Ծաներուք զի Նա է Տէր Աստուած մեր:

Նա արար զմեզ, և ոչ մեք էաք,

Մեք ժողովուրդ և խաշն արտոյի Նորա:

Մտէք ընդ զրուսն Նորա խոտորովանութեամբ,

Եւ օրհնութեամբ ի յարկս Նորա:

Խոստովան եղերուք Տեառն,

Եւ օրհնեցէք զանուն Նորա:

Ք սղցր է Տէր, յաւիտեան է ողորմութիւն Նորա,

Յազգէ մինչև յազգ ճշմարտութիւն Նորա:

Փառք Հօր և Որդւոյ և Հոգւոյն Արքայ,

Այժմ և միշտ և յաւիտեանս յաւիտենից. ամէն:

Մեղեդի: Բարեխօսութեամբ Մօր Քո և կուսի ընկալ զաղաչանս Քոց պաշտօնէիցս: Որ գերագոյն քան զերկինս պայծառացուցեր սուրբ զեկեղեցի արեամբ Քով, Քրիստոս, և ըստ երկնացնոցն կարգեցեր ի սմա զդասս առաքելոց և մարգարէից, սուրբ

վարդապետաց: Այսօր ժողովեալ դասք քահանայից, տարկաւագաց, դպրաց և կղերիկոսաց, խուսկ մատուցանեմք առաջի Քո, Տէր, յօրինակ ըստ Հնումն Զաքարիայ: Ընկալ առ ի մէնջ զինկանուէր մաղթանս, որպէս զպատարագն Աբէլի, զՆոյի և զԱբրահամն: Բարեխօսութեամբ վերին Քո զօրաց միշտ անշարժ պահեա՛ զԱթոռ Հայկազնեայց:

Աբէ. - Օրհնեա՛ Տէր:

Քհ. - Օրհնեա՛լ թագաւորութիւն.

Ժամասիր: Ս. Զատիկի: - Քրիստոս յարեալ ի մեռելոց, մահուամբ զմահ կոխեաց և յարութեամբն իւրով մեզ զկեանքս պարգևեաց, Նմա վասք յաւիտեանս. ամէն:

Աբէ. - Եւ ևս խաղաղութեան: - Քհ. - Օրհնութիւն և փառք:

Դպ. - Եւ ընդ հոգւոյդ Քուժ: - Աբէ. Աստուծոյ երկրպագ.

Դպ. - Առաջի Քո Տէր: Քհ. - Տէր Աստուած մեր:

Դպ. - Ճաշն շաբաթն: - Ս. Զապիկ.

Այ. - Գովեա՛, երուսաղէմ, զՏէր.

Յարեալ Քրիստոս ի մեռելոց, ալէլուիա.

Եկայք, ժողովուրդք, երգեցէք Տեառն ալէլուիա.

Փառք. Յարուցելոյն ի մեռելոց ալէլուիա.

Որ զաշխարհս լուսաւորեաց, ալէլուիա:

Աբէ. - Օրհնեա՛ Տէր: Քհ. - Զի Քո է կարողութիւն և զօրութիւն:

Աբէ. - Պառսխումէ:

Դպ. - Սուրբ Աստուած, սուրբ և հզօր, սուրբ և անմահ, որ յարեար ի մեռելոց, ողորմեա՛ մեզ (Կրկնէ՛ք երեց):

Աբէ. - Եւ ևս խաղաղութեան.

Դպ. - Տէր ողորմեա՛ (6 անգամ) յիշեա՛, Տէր և ողորմեա՛ Տէր, ողորմեա՛ Քեզ Տեառնդ. յանձն եղիցուք, Տէր, ողորմեա՛, Տէր ողորմ. Տէր ողորմ. Քհ. - Զի ողորմած.

ճաշո՞ւ քիչ, և յաւարդին ալեւելա՞ս, ասելով ասորմոս ըստ
պարսկաճի աւանդի:

Արհ. - Ալեւուիա օրթի: Քհ. - Խաղաղութիւն: Դպ. - Եւ ընդ
Հոգւոյդ Քում: Արհ. - Երկիւղածութեամբ լուարուք:
Դպ. - Փառք Քեզ Տէր Աստուած մեր: Արհ. - Պաշտօնումէ:
Դպ. - Ասէ Աստուած:
Աւագարան.

Դպ. - Փառք Քեզ, Տէր Աստուած մեր:
Հաւատարմ:

Քհ. - Խոյ մեք փառաւորեսցուք: Արհ. - Եւ ևս խաղաղութեան.
Դպ. - Տէր, ողորմեա՛: Արհ. - Եւ ևս հաւատով: Դպ. - Կեցո՛ւ, Տէր.
Շնորհեա՛ Տէր (երկցս) Տէր ողորմեա՛, Քեզ Տեառնդ յանձն
եղիցուք և այլն:

Արհ. - Մի ոք յերեխայից.

Դպ. - Մարմին Տէրունական և Արիւն Փրկչական կայ առաջի.
Երկնային զօրութիւնքն յաներևոյթս երգեն և ասեն ան-
հանգիստ բարբառով. Սո՛ւրբ, սո՛ւրբ, սուրբ, Տէր զօրու-
թեանց:

Արհ. - Սաղմոս ասացէք.

Դպ. - Արեւոսացո՞ւն:

Կեօրակէն, Լեւեղեցոյ, Ծագեալարդի և Հրեղատկաց:

Արեւոս. - Հրեշտակային կարգաւորութեամբ լցեր, Աստուած,
զՔո սուրբ զեկեղեցի: Հաղարք, (Խաճաճեա՛) հաղարաց հրեշ-
տակապետք կան առաջի Քո, և բիւրք բիւրոց հրեշտակք
պաշտեն զՔեզ, Տէր, և ի մարդկանէ հաճեցար ընդունիլ
զօրհնութիւն, ձայնիւ խորհրդականաւ. Սո՛ւրբ, սո՛ւրբ,
սուրբ, Տէր զօրութեանց:

Արհ. - Եւ ևս խաղ. Դպ. - Տէր ողորմեա: Արհ. - Եւ ևս հաւատով.

Դպ. - Կեցո՛ւ Տէր և ողորմեա. և այլն:

Արհ. - Ողջոյն տուք միմեանց:

Դպ. - Քրիստոս ի մէջ մեր յայտնեցաւ,
Որ Լենն Աստուած աստ բազմեցաւ.
Խաղաղութեան ձայն հնչեցաւ,
Սուրբ ողջունիս հրաման տուաւ.
Եկեղեցիս մի անձն եղև.
Համբոյրս յօգ լրման տուաւ.
Թշնամութիւնն հեռացաւ,
Աէրն յընդհանուրս սիւնեցաւ:
Արդ, պաշտօնեայք, բարձեալ զձայն,
Տուք օրհնութիւն ի մի բերան
Միասնական Աստուածութեանն,
Որում Սրովբէքն են սրբաբան:

Արհ. - Ահիւ կացուք, երկիւղիւ կացուք.

Դպ. - Առ քեզ, Աստուած:

Արհ. - Պատարագ Քրիստոս մատչի.

Դպ. - Ողորմութիւն և խաղաղութիւն և պատարագ օրհնութեան:

Արհ. - Օրհնեա Տէր: Քհ. - Շնորհք, Սէր: Դպ. - Ամէն և ընդ
Հոգւոյդ Քում: Արհ. - Զգրունս, զգրունս:

Դպ. - Ունիմք առ Քեզ, Տէր ամենակալ:

Արհ. - Եւ գոհացարուք զՏեառնէ:

Դպ. - Արժան և իրաւ:

Քհ. - Եւ ընդ սերովբան:

Դպ. - Սո՛ւրբ, Սո՛ւրբ, սուրբ, Տէր զօրութեանց: Լի են երկինք
և երկիր փառօք Քո. օրհնութիւն ի բարձունս. օրհնեալ
որ եկիր և գալոյց ես անուամբ Տեառն, ոյսաննա ի բար-
ձունս:

Քհ. - Առէք, կերէք, այս է Մարմին Իմ:

Դպ. - Ամէն:

Քհ. - Արբէք խամանէ, այս է Արիւն Իմ:

- Դ. - Ամէն. Հայր երկնաւոր, որ զՈրդիդ Քո ետուր ի մահ վասն մեր՝ պարտապան պարտեաց մերոց, հեղմամբ արեան հորա, աղաչեմք զՔեզ, ողորմեա՛ Քո բանաւոր հօտի:
- Ք. - Եւ զքոյս ի Քոյոց:
- Դ. - Յամենայնի օրհնեալ էս, Տէր, օրհնեմք զՔեզ, գովեմք զՔեզ, գոհանամք զՔէն, աղաչեմք զՔեզ, Տէր Աստուած մեր:
- Ք. - Խաղաղութիւն ամ: Դ. - Եւ ընդ Հոգ: Սբ. - Աստուծոյ երկրպագեսցուք:
- Դ. - Առաջի Քո, Տէր: Որդի Աստուծոյ, որ պատարագեալ Հօր ի հաշտութիւն հաց կենաց բաշխիս ի մեզ, հեղմամբ Արեան Քո սուրբ, աղաչեմք զՔեզ, ողորմեա՛ Արեամբ Քով փրկեալ հօտի:
- Սբ. - Օրհնեա Տէր: Ք. - Որպէս զի եղիցի սա ամենեցուն:
- Դ. - Հոգի Աստուծոյ, որ զփառակցի Քո զխորհուրդդ իջեալ ի յերկնից, կատարես ի ձեռս մեր, հեղմամբ Արեան Սորա, աղաչեմք զՔեզ, հանգս՛ զհոգիս մեր ննջեցելոց:
- Սբ. - Օրհնեա Տէր: Ք. - Ընդ որս և մեզ այց արասցես:
- Դ. - Յիշեա Տէր և ողորմեա: Ք. - Աստուածածնին:
- Դ. - Յիշեա Տէր և ողորմեա: Սբ. - Առաքելոց. Դ. - Յիշեա Տէր, և ողորմեա: Սբ. - Օրհնեալ գովեալ: Դ. - Փառք յարութեան Քո, Տէր: Սբ. - Սուրբ և Աստուածահաճոյ. - Առաջնորդացն. - Միանձնացելոցն. - Թագաւորաց. - Ընդհանուր: Դ. - Յիշեա Տէր և ողորմեա:
- Ք. - Եւս առաւել զԵպիսկոպոսապետն մեր և զպատուական Հայրապետն ամենայն Հայոց: Սբ. - Գոհութիւն:
- Դ. - Ըստ ամենայնի և յաղագս ամենեցուն:
- Ք. - Եւ եղիցի ողորմ: Դ. - Ամէն, և ընդ Հոգւոյդ Քում:
- Սբ. - Եւ ևս խաղ. Դ. - Տէր, ողորմեա: Սբ. - Ամենայն սրբբովք. - Վասն մատուցեալ. - Որպէս զի. Դ. - Տէր,

- ողորմեա: Սբ. - Ընկալ կեցո՛: Դ. - Կեցո՛, Տէր, և ողորմեա: Սբ. - զԱմենասրբուհի: Դ. - Յիշեա՛ Տէր, և ողորմեա՛ Տէր ողորմեա, Քեզ Տեառնդ յանձն եղիցուք:
- Սբ. - Օրհն: Ք. - Եւ տուր մեզ համարձակաճայն:
- Դ. - Հայր մեր, որ յերկնս, սուրբ եղիցի անուն Քո. եկեսցէ արքայութիւն Քո. եղիցին կամք Քո, որպէս յերկնս և յերկրի: Զհաց մեր հանապազորդ տուր մեզ այսօր. թող մեզ զպարտիս մեր, որպէս և մեք թողումք մերոց պարտապանաց: Եւ մի՛ տանիր զմեզ ի փորձութիւն, այլ փրկեա՛ ի չարէ:
- Սբ. - Օրհն: Ք. - Զի Քո է արքայ: Դ. - Եւ ընդ Հոգ: Սբ. - Աստուծոյ երկրպագ: Դ. - Առաջի Քո Տէր: Սբ. - Օրհն: Ք. - Յիսուսիւ Քրիստոսիւ: Սբ. - Պառսխումէ: Ք. - Ի Սրբութիւն սրբոց:—
- Դ. - Միայն սուրբ, Միայն Տէր Յիսուս - Քրիստոս, ի փառս Աստուծոյ Հօր. Ամէն: Սբ. - Օրհն: Ք. - Օրհնեալ Հայր սուրբ Աստուած ճշմ: Դ. - Ամէն: Ք. - Օրհնեալ Որդիդ: Դ. - Ամէն: Ք. - Օրհնեալ Հոգիդ: Դ. - Ամէն: Ք. - Օրհնութիւն և փառք: Դ. - Ամէն. Հայր սուրբ, Որդիդ սուրբ, Հոգիդ սուրբ: Օրհնութիւն Հօր և Որդւոյ և Հոգւոյն սրբոյ, այժմ և միշտ և յաւիտեանս յաւիտենից. ամէն:
- Ք. - Ի սուրբ, ի սուրբ պատուական:
- Դ. - Տէր, ողորմեա, Տէր ողորմեա, Տէր ողորմեա.
- Արի, Աստուած հարցն մերոց,
Որ ապաւենդ էս նեղելոց,
Հաս յօգնութիւն ծառայից Քոց՝
Անօգնական Ազգիս Հայոց:
Ամենասուրբ Երրորդութիւն,
Տուր աշխարհիս խաղաղութիւն,
Եկեղեցւոյ հաստատութիւն

Աղգիս Հայոց սէր միութիւն:

Եկ, Տէր Յիսուս, ողորմեա՛ մեզ,

Ողորմութեան ժամ է արգէն:

Եկ, Բարեխնամ, այց արա մեզ,

Այցելութեան ժամ է արգէն:

Աբէ - Սաղմոս ասացէք:

Դպ. - Որհնեալ է Աստուած: Քրիստոս պատարագեալ բաշխի
ի միջի մերում: Գլխաւոր:

Զմարմին իւր տայ մեզ կերակուր և սուրբ զԱրիւն իւր
ցօղէ ի մեզ: Գլխաւոր:

Մատիք առ Տէր և առէք զլոյս: Գլխաւոր:

Ճաշակեցէք և տեսէք, զի քաղցր է Տէր: Գլխաւոր:

Որհնեցէք զՏէր յերկինս: Գլխաւոր:

Որհնեցէք զՆա ի բարձունս: Գլխաւոր:

Որհնեցէք զՆա, ամենայն հրեշտակը Նորա: Գլխաւոր:

Որհնեցէք զՆա, ամենայն զօրութիւնը Նորա: Գլխաւոր:

Աբէ - Երկիւղիւ և հաւատով:

Դպ. - Աստուած մեր և Տէր մեր երեւեցաւ մեզ, օրհնեալ
եկեալ անուամբ Տեառն:

Քհ. - Կեցո՛, Տէր, զժողովուրդս Բո:

Դպ. - Լցաք ի բարութեանց Քոյ, Տէր, ճաշակելով զՄարմին
Քո և զԱրիւն: Փառք ի բարձունս կերակրողիդ զմեզ,
որ հանապաղ կերակրես զմեզ: Առաքեա՛ ի մեզ զհոգե-
ւոր Քո զօրհնութիւն: Փառք ի բարձունս կերակրողիդ
զմեզ:

Աբէ - Եւ ևս խաղաղութեան: Դպ. - Տէր ողորմեա: Աբէ - Եւ
ևս հաւատով:

Դպ. - Գոհանամք զՔէն, Տէր, որ կերակրեցեր զմեզ յանմա-
հական սեղանոյ Քո: Բաշխելով զՄարմինդ և զԱրիւնդ
ի փրկութիւն աշխարհի և կեանք անձանց մերոց:

Քհ. - Որ օրհնես զայնոսիկ: Դպ. - Օրհնեալ է Աստուած:

Քհ. - Կեցո՛ զժողովուրդս: Սրբեա՛ զսոսա: Չխաղաղութիւն: -
Զի ամենայն սուրբ:

Դպ. - Ամէն: Եղիշի անուն Տեառն օրհնեալ յայսմհետէ մին-
չև յաւիտեան (կրկնա՛) և եղիշի անուն Տեառն օրհնեալ
յայսմհետէ մինչև յաւիտեան:

Քհ. - Աւետարան: Աբէ - Ս: Խաչիւս: Քհ. - Պաշտանեա զմեզ:

Աբէ - Օրհնեցիշ: Քհ. - Օրհնեալ եղերուք:

Կանոն Շողակաւի Ա. Էջմիածնի:

Դպ. Էջ Միածինն ի Հօրէ և լոյս փառայ ընդ նմա, ձայնը հնչե-
ցին սանդարամեօք անգնդոց:

Տեսեալ զլոյս մեծ Հայրապետին Գրիգորի, պատմէր ցնծու-
թեամբ հաւատացեալ արքայի:

Եկայք, շինեսցուք սուրբ զխորանն Լուսոյ, քանդի ի սմա
ծագեաց մեզ լոյս, ի Հայաստան աշխարհի:

ԱՌԱՒՕՏԵԱՆ ԺԱՄԵՐԳՈՒԹԻՒՆ

Երբ Տեառն Ներսիսի Հայոց Կաթողիկոսի՝ ասացեալ է պաշտա-
ման Գլխաւոր:

Յիշեսցուք ի գիշերի զանուն Քո, Տէր:

Բղիեսցեն սիրտք մեր զբան բարի, և լեզուք մեր պատմես-
ցեն զգործս երկնաւոր թագաւորիդ:

Ի մէջ գիշերի յարուցեալ խոստովանեացուք զՔեզ, Տէր:
Զաղօթս մեր տացուք Քեզ, Տէր, ի գաւիթս Քո, ի մէջ
նոր երուսաղէմի:

Ի գիշերի համբարձցուք զձեռս մեր սրբութեամբ առ
Քեզ, Տէր:

Ի ձայն գոհութեան, ամենայն հոգիք, օրհնեցէք զՏէր:
Զարթիք, փառք իմ, զարթիք և ես զարթեայց առաւօ-
տուց, ալելուիա:

Զարթիք ընդ զուարթունս, մանկունք զերինն Սիօնի,
ալելուիա:

Զարթիք, որդիք լուսոյ, ի յօրհնութիւն Հօրն լուսոյ,
ալելուիա:

Զարթիք, փրկեալք արեամբ, և տուք զփառս Փրկողին,
ալելուիա:

Զարթիք, նոր ժողովուրդք, նոր երգս առեալ նորոգողին,
ալելուիա:

Զարթիք, հարսուհիք, հոգևոյ սպասեալք գալոյ սուրբ
Փեսային, ալելուիա:

Զարթիք, փառեալք լուսով ըստ իմաստուն սուրբ Կուսա-
նացն, ալելուիա:

Զարթիք, պատրաստեցէք իւր լապտերաց զջերմ արտասուես,
ալելուիա:

Զարթիք և մի ննջէք, նման յիմար կուսիյ նիրհէք,
ալելուիա:

Զարթիք երկիրպագացուք և արտասուօք զայս աստացուք,
ալելուիա:

Զարթիք, ընդէր ննջես, Տէր, մի մերժեր զմեզ իսպառ:
Արի, Տէր, օգնես մեզ, տացուք անուանդ Քում զփառս:
Այժմ և յաւէտ, Հօր և Որդւոյ և սուրբ Հոգւոյն, ամէն:

Ն ալի՜ Տ. Ներսէսի Հայոց Կաթողիկոսի երգ:

Առաւօտ լուսոյ,
Արեգակն արդար,
Առիս լոյս ծագեալ:
Բղիումն ի Հօրէ,
Բղիւնս ի Հոգւոյս
Բան քեզ ի հաճոյս:
Գանձդ ողորմութեան,
Գանձիդ ծածկելոյ
Գտող զիս արս:
Գուռն ողորմութեան,
Գաւանդիս բաց,
Գասեցո՛ւ զերնոցն:
Երբեակ միութիւն,
Եղելոց խնամոյ,
Եւ ինձ ողորմեա:
Զարթիք, Տէր յօգնել,
Զարթո՛ւ զթմրեալս
Զուարթնոց նմանիլ:
Էգ Հայր անսկիզբն,
Էակիյ Որդի,
Է միշտ Սուրբ Հոգի:
Ընկալ զիս, գթած,
Ընկալ, Ողորմած,
Ընկալ, Մարդասէր:
Թագաւոր փառաց,
Թողութեանց տուող,
Թող ինձ զյանցանս:

Ժողովող բարեաց,
Ժողովեա՛ւ և զիս
Ժողովս անդրանկաց:
Ի Քէն, Տէր, հայցեմ,
Ի Մարգասիրէդ
Ինձ բժշկութիւն:
Լեր կեանք մեռելոյս,
Լոյս խաւարելոյս,
Լուծանող ցաւոյս:
Խորհրդոյ գիտող:
Խաւարիս շնորհեա՛ւ
Խորհուրդ լուսաւոր:
Մնունդ Հօր ծոցոյ,
Մածկելոյս ստուերաւ
Մագեա՛ւ զլոյս փառաց:
Կենարար Փրկիչ,
Կեցո՛ւ զմեռեալս,
Կանգնեա՛ւ զգլորեալս:
Հաստեա՛ւ հաւատով,
Հաստատեա՛ւ յուսով,
Հիմնեցո՛ւ սիրով:
Զայնիւս աղաչեմ,
Զեռօքս պաղատեմ,
Զիր բարեաց շնորհեա՛ւ:
Ղամբարամբ լուսոյ,
Ղեկավար ճարտար,
Ղօշեալս ամրացո՛ւ:

Ճառագայթ փառաց,
Ճանապարհ ինձ ցոյց,
Ճեպել ի յերկինս:

Միաձինդ Հօր,
Մոյժ զիս յառագաստ
Մաքուր հարսանեացդ:

Յորժամ գաս փառօր
Յահագին աւուրն
Յիշեա՛ս զիս, Քրիստոս:

Նորոգող հնութեանց,
Նորոգեա՛ս և զիս,
Նորոգ զարդարեա՛ս:

Շնորհատու բարեաց,
Շնորհեա՛ս զքառութիւն,
Շնորհեա՛ս զթողութիւն:

Աւրախայո՛ւ, Տէր,
Ոգւոյս փրկութեամբ,
Ոյր վասն եմ ի սուգ:

Չար մշակողին,
Չար սերմանց նորին
Չորացո՛ւ զսրտուղն:

Պարգեւիչ բարեաց,
Պարգեւեա՛ս իմոյ
Պարտեաց թողութիւն:

Զուր շնորհեա՛ս աչացս
Զերմ հեղուլ զարտօսոր,
Զնջել զյանցանս:

Սրբուհւոյ Աստուածածնին բարեխօսութեամբ:

Յիշեա՛ս, Տէր և ողորմեա՛ս:

Ռետինդ քաղցու
Ռամ հոգւոյս արբո՛ւ,
Ռահ ցոյց ինձ լուսոյ:

Սէր անուն Յիսուս,
Սիրով Քով ճմլեա՛ս
Սիրոս իմ քարեղէն:

Վասն ողորմութեան
Վասն գթութեան
Վերստին կեցո՛ւ:

Տենչաւոյդ տեսեամբ
Տուր ինձ յագնալ,
Տէր Յիսուս - Քրիստոս:

Բաբունդ երկնաւոր
Բոտեա՛ զաշակերտս
Բամից երկնայնոց:

Յօղ արեան Քոյ, Տէր,
Յօղեա՛ իհօգիս,
Յնծացէ անձն իմ:

Իիւծեալս մեղօր
Իիւծեալ աղաչեմ
Իիւսել ինձ բաբիս:

Փրկի՛չ բոլորից
Փութա՛ս զիս փրկել
Փորձութեանց մեղաց:

Քաւիչ յանցանաց,
Քաւեա զօրհնաբանս
Քեզ երգել զփառս:

Երգ Եղեբեկ Աւետարանին.

Եղիցի անուն Տեառն օրհնեալ ի յայսմհետէ մինչև ի յաւիտեան:

Օրհնեցէք, մանկունք, զՏէր և օրհնեցէք զանունն Տեառն:
Եղիցի անուն Տեառն օրհնեալ յայսմհետէ մինչև ի յաւիտեան:
Յարևելից մինչև ի մուտս արևու օրհնեալ է անուն Տեառն ի յայսմհետէ մինչև ի յաւիտեան:

Փառք և երկրպագութիւն Հօր և Որդւոյ և Հօգւոյն սրբոյ, այժմ և միշտ և յաւիտեանս յաւիտենից ամէն, ի յայսմհետէ մինչև ի յաւիտեան:

Արի, Տէր, օգնեա (Դայնա):

Զիշէ Եղեբեկ Աւետարանին.

Փառք յարութեան Քո, Տէր, ոչ զաղարեցայց, Քրիստոս, օրհնել զՔեզ զամենայն աւուրս կենդանութեան իմոյ:

Փառք յարութեան Քո, Տէր, ոչ զաղարեցայց, Յիսուս, գովել զՔեզ զամենայն աւուրս կենդանութեան իմոյ:

Ես ոչ զաղարեցայց, Փրկի՛չ, փառաւորել զՔեզ զամենայն աւուրս կենդանութեան իմոյ:

Ի գիշերի համարձէք զձեռս ձեր ի սրբութիւն և օրհնեցէք զՏէր:

Աստ օրհնեցէք, ամենայն ծառայք Տեառն, զՏէր ի սրբութիւն և օրհնեցէք զՏէր:

Օրհնութիւն տառապանքի:

Փառք ի բարձունս Աստուծոյ, և յերկիր խաղաղութիւն,
մարդիկ հաճութիւն: Եւ օրհնութիւն քեզ ի բարձունս,
օրհնեալ ես, Տէր Աստուած մեր. օրհնեմք զքեզ և գովեմք
զքեզ: Խոստովանեմք Տէր զքեզ և երկիրպագանեմք քեզ,
փառաւորեմք զքեզ. գոհանամք, Տէր զքէն փասն մեծի փա-
ռաց քոյ: Տէր թագաւոր, սուրբդ երկնային, Աստուած և Հայր
ամենակալ: Տէր և Որդի Հօր՝ Միածին Յիսուս-Քրիստոս և
սուրբ Որդի: Տէր Աստուած, գառն Աստուծոյ և Որդի Հօր, որ
առեր զմերս ի կուսէն: Ողորմեցար, բարձեր զմեզս աշխարհի
և արդ ընկալ զաղաչանս մեր. Սուրբդ, որ նստիս ընդ աջմէ-
Հօր, ողորմեաց մեզ, զի Դու միայն սուրբ, Դու միայն բարձրեալ
ես, Դու միայն Տէր մեր Յիսուս-Քրիստոս: Տէր և Հոգիդ Սուրբ,
որ ի փառս Աստուած ընդ Հօր ամէն:

Եւ յամենայն ժամ օրհնեմք զքեզ, Տէր, և գովեմք զանուն
սուրբ քո յաւիտեանս և յաւիտեանս յաւիտենի: Արժանի
արա՛, Տէր, զօրս զայս խաղաղութեամբ և առանց մեղաց պահեա՛
զմեզ: Օրհնեալ ես, Տէր Աստուած հարցն մերոյ, գովեալ և փա-
ռաւորեալ է անուն սուրբ քո յաւիտեանս, ամէն: Օրհնեալ
Տէր, ուսո՛ ինձ զարգարութիւնս քո (էրէց՝ էրէէւ): Տէր, ապա-
ւէն եղեր մեր յազգէ յազգ: Ես ապաչեմ, Տէր, ողորմեա ինձ
և բժշկեա՛ զանձն իմ, ես մեղայ քեզ: Յոյց մեզ, Տէր, զողորմու-
թիւնս քո, և զփրկութիւնս քո առեր մեզ: Տէր, ողորմութիւն
քո յաւիտեան, զգործս ձեռաց քոյ մի անտես առներ: Տէր
իմ, զքեզ ապաւէն ինձ արարի. ուսո՛ ինձ առնել զկամս քո, զի
Դու ես Աստուած իմ: Ի քէն է, Տէր, աղբիւր կենդանութեան,
և լուսով երեսաց քոյ տեսանեմք զլոյս: Ծագեա՛ զողորմու-
թիւնս քո, որք ճանաչեն զքեզ, Տէր:

Նորաստեղծեալ բանն յանէից

Իսկզբանէ զերկինս երկնից,
Եւ զերկնային զօրս անմարմնոց
Իմանալեացն զուարթնոց
Եւ զգալի տարերց քառից
Հակառակաց միաբանից,
Որով յաւէտ փառաբանի
Երրորդութիւնն անճառելի:

Երեքսրբեան մի տէրութիւն
Միով բնութեամբ Աստուածութիւն,
Լոյսն որ անեղ արարչական
Ասաց լինիլ լոյս եղական,
Զոր և ծագեաց յօրն առաջին
Միաշաբաթ կիւրակէին.
Որով յաւէտ փառաբանի
Երրորդութիւնն անճառելի:

Բաբունօրէն բացատրեսցուք,
Զծածկեալ խորհուրդն ծանիցուք,
Զի լոյսն անտես իմանալի,
Մաքուր հոգւոց տեսանելի
Ի սոյն ծագեաց միաշաբաթ
Մեզ յարութեան սուրբ ճառագայթ.
Եկայք, փրկեալք ընդ զուարթնոյն,
Տուք օրհնութիւն յարուցելոյն:

Սէրդ սիրով խոնարհեցար,
Ի փրկութիւն մեր մարմնացար,
Նովին մարմնովն խաչեցար,
Ի գերեզման մահու եղար.
Այսօր յարեար աստուածաբար
Ի հրեշտակաց քարողեցար:

Եկայք փրկեալք, ընդ զուարթնոյն
Տուք զօրհնութիւն յարուցելոյն:

Երեւոյս խնկաբերիցն
Յողջոյն կենաց ուրախալից,
Եւ ի լերինն Գալիլեայ
Առաքելոց մետասանից.
Արժանացո զմեզ ընդ նոսին
Զքեզ տեսանել յօրն վերջին.
Եկայք, փրկեալք, ընդ զուարթնոյն
Տուք օրհնութիւն յարուցելոյն:

Սիօնի որդիք, զարթիք,
Հարսին լուսոյ տուք աւետիք
Եթէ փեսայն քո յարուցեալ
Յաղթեաց մահու իշխանութեամբ.
Գայ պսակէ զքեզ փառօք.
Եւ ընդառաջ պճնեալ զարդուք.
Երգեա՛ երգ նոր յարուցելոյն՝
Նշնելոց կենաց պողոցն:

ԵՐԵՎԱՆԻ ԺԱՄԵՐԳՈՒԹԻՒՆ.

Յերէկոյն Կրակաճարից.

Մուրը ես, Տէր զօրութեանց, որ բնակեալդ ես ի յերկինս և բարեբանիս ի սրբոց Քոյ:

Երկնային զօրութիւնքն սերովբէք և քերովբէք՝ անդադար օրհնեն սուրբ զանունդ Քո:

Քահանայք ընդ նոսին պաշտօնեայք և ժողովուրդք երկրպագեսցուք տէրութեանդ քո:

Նոյսդ, որ յառաջ քան զյաւիտեանս, ի Հօրէ առաքեցար և լուսով իմանալեալ լցեր զարարածս. օրհնեալ ես, Թագաւոր յաւիտենից:

Որ զլոյս իսկզբանէ հաստատեցեր վերստին, և զխաւարն անգիտութեան յարութեամբդ Քո հալածեցեր. օրհնեալ ես, Թագաւոր յաւիտենից:

Ուստի և մէք լուսաւորեալքս ընդ լուսեղէն զուարթնոյն, երգեսցուք ցնծութեամբ ի յարութեան երեկոյիս. օրհնեալ ես, Թագաւոր յաւիտենից:

Երկնաքաղաքացին Յովհաննէս՝ մեծն ի ծնունդս կանանց՝ քարոզէր յանապատի ազդարարող բարբառովն զճագումն լուսոյ արեգականն արդարութեան:

Ճշմարիտ մարգարէ և ձեռնադրող Որդւոյն Աստուծոյ, յառաջընթաց կարապետ և պատմող աստուածային օրինաց, հորդէր ճանապարհս Թագաւորին յաւիտենից:

Յանօրէն գինարբուան մնլեգնեալ Հերովդիսի և Կարգեի մասին խնդրէր զգլուխ մարգարէին՝ շիջուցանել զարուսեակն և զանաղօտ լապտերն: Փառք հօր:

Որբուհւոյ Աստուածածնին բարեխօսութեամբ պարգևեա երկրպագուացս ամենասուրբ երրորդութեանդ, զյարութիւնդ յուսոյ կենացն յաւիտենից:

Այժմ՝ և միշտ: Զհաւատացեալ ժողովուրդս սուրբ երրորդութեանդ և զապաւինեալ ի խորանս փառաց քոյ պահեա՛ անխռով ի խաղաղութեան:



Ք՜. Քանզի զքեզ օրհնեն իշխանութիւնք երկնից, Թագաւոր փառաց, ամենակալ, ամենակարող, թող զմեզս մեր

2-102121
14140-88
(5001 64602)

ննջեցելոցն, և հանգո՞ ի խորանի փռւմ ի յարքայական ի հանգստեան:

Որ ի նախնումն զմարգարէն Մովսէս լուսաւորեցեր աստուածային փառօք տեսեամբ Աստուածութեանը փոյ, լուսաւորեա՞ և զմեր զննջեցեալսն և հանգո՞ ի խորանի քում ի յարքայական ի հանգստեան:

Բարեխօսութեամբ սուրբ Աստուածածնի՝ ծնողի և Մօր փոյ, յիշեա՞ զգլին արեան քոյ, Տէր, և դասաւորեա յերանաւէտ, յանթառամ և յանտրտում ի կեանսդ, ի յարքայական ի հանգստեան:

— Փառք քեզ, Հայր որ կենարարդ ես մարմնոց և գոյացուցիչ հոգւոց, ընկալ զօրհնաբանող հոգիս յանմահական փո հանգիստ:

Մարգասիրի Հօր Որդի, որ պատկերակից եղեր հոգեղինացս և խաչեցար, ընկալ զօրհնաբանող հոգիս յանմահական փո հանգիստ:

Ամենազօր սուրբ Հոգի, որ անդորրիչ ես նեղելոց, և մխիթարիչ հոգւոց, ընկալ զօրհնաբանող հոգիս յանմահական փո հանգիստ

— Զքեզ օրհնութեամբ մեծացուցանեմք:

Որ զբանն Աստուած յարգանդի կրեցեր, Արքուհի անարատ և անճառապէս ծնար զվերաձգողն երկնից, զքեզ օրհնութեամբ մեծացուցանեմք:

Որ էից լուսոյն արժանի եղեր բառնալոյ ի քո գիրկս, և արեգական արդարութեան եղեր արեւելք, զքեզ օրհնութեամբ մեծացուցանեմք:

— Զօրութիւն սուրբ խաչի փո, Քրիստոս, որ կանգնեցեր ի փրկութիւն աշխարհի, սա պահեսցէ զմեզ յամենայն փորձութենէ:

Քանզի ի սմա բարձրացար, Աստուած, և ի սմա հեղեր

զպատուական սուրբ զարիւնդ, սա պահեսցէ զմեզ յամենայն փորձութենէ:

Եւ զՔո միւսանգամ զգալուստդ նշանաւ խաչի փոյ ցուցեր աշխարհի, սա պահեսցէ զմեզ յամենայն փորձութենէ:

Փառաց ի փառս բարձրանան

Աջակողմեանքն վերանան,

Յորժամ լսեն զերանական

Զայն օրհնութեան ի քեզ կոչման

Ննջեցելոյս մեր լսեցո՞

Զաստուածային բարբառս փո,

Դասաւորեա՞ զսա վերնոյն՝

Երգել՝ քեզ փառս ընդ զուարթնոցն:

Քահանայք և ժողովուրդք

Հայցեմք ի Քէն, Տէր բարեգութ,

Ընդ ննջեցեալսն հաւատով

Ընկալ զսա նովին յուսով

յերուսաղէմ՝ քաղաք վերին,

Յորում արդարքն ժողովին,

Փառս վերերգել միշտ ընդ նոսին

Երրորդութեանդ երբեակ անձին:

— Ի վերինն երուսաղէմ, ի բնակարանս հրեշտակաց, ուր Ենովք և Եղիաս կան ծերացեալք աղաւնակերպ ի դրախտին եղեմական, պայծառացեալ արժանապէս, ողորմած Տէր, ողորմեա՞ հոգւոցն մեր ննջեցելոց:

ԿԱՆՈՆ ԶՐՕՐՀՆԵԱՅ.

ԴՅ. Լոյս ի լուսոյ, ի Հօրէ առաքեցար և մարմնացար ի սուրբ կուսէն, զի վերադին նորոգեսցես զապականեալն Աղամ:

Դ՞ն՞ Աստուած ի յերկրի երևեցար և ընդ մարդկան շրջեցար և փրկեցեր զտիեզերս յանիծիցն Ադամայ:

Քե՞ղ ի յերկնից վկայեալ Հօր Քոյ ձայն, ասէ. Դա է իմ՝ Որդի, և սուրբ Հոգին զՔեզ յայտնեաց աղաւնակերպ երևամբ:

ԶՔեզ, որ հոգւով և հրով մաքրեցեր զմարդկան աղտելութիւն, որպէս զԱստուած և զՓրկիչ ամենեքեան օրհնեցուք:

Փրկիչն երևեցաւ և զաշխարհս ապրեցոյց ի պատրանաց թշնամւոյն, որդեգրութիւն շնորհելով ի ձեռն մկրտութեան:

Հրով կիզու զմեզս մեր այսօր երևեալ Ապրեցուցիչն և զօլացուցանէ զաշխարհս աստուածային ջրովն:

Զգլուխ վիշապին Փրկիչն ջախջախեաց ի Յորդանան գետն, և ինքեան իշխանութեամբ զամենեսեան ապրեցոյց:

Զհին մարդն նորոգելով, Փրկիչն ի մկրտութիւն գայ այսօր, զի զապականեալ զքնութիւնս ջրով նորս գործեացէ, անապական զգետս փոխարէն տալով մեզ:

Մկրտի Քրիստոս և սրբին արարածք ամենայն, և տոյ մեզ թողութիւն մեղաց, ջրով և հոգւով վերասրբելով զմեզ:

Ե Ր Ք.

Ո՞վ զարմանալի խորհուրդ այս մեծ յայտնեալ,

Արարիչն Աստուած ի Յորդանան եկեալ,

Կամէր մկրտիլ ի ծառայէն իւրմէ,

Չառնոյր կարապետն զմկրտիչն ի յանձն:

Յորդանան լուեալ՝ փախտտական դառնայր,

Ղտակ առ փտակ պատգամաւոր լինէր:

Գետ, մի զարհուրիւր, քո Արարիչն եմ ես:

Նկեալ մկրտիմ և լուանամ զմեզս:

Յիսուս յառաջեաց աստուածութեամբ ի ջուրն,

Հանդերձ Յովհաննու Աստուած ի գետն եմուտ:

Երկինք պատառեալ, ձայն ի վերուստ իջեալ,

Ձայն որ ի բարձանց, որ վկայեաց Որդւոյ.

Դա է իմ՝ Որդի, ընդ որ հաճեցայ, ասէ,

Դմա լուարուք, որդիք մարդկան, ձայնէր:

Այսօր ձայնն հայրական յերկնից իջեալ հաճոյական, սիրեցելոյ Որդւոյ վկայ, այժմ յորդորէ, գետ յորդորէ գետ Յորդանան. յորդորական ձայնիւ երգէր մեծ Կարապետն Յովհաննէս:

Այսօր Հոգին իջեալ աղաւնակերպ և նիւթեղէն հրեղէն լեզուօք ձայնեալ ի քեզ ս. Յորդանան. այժմ յորդորէ

Այսօր ցնծացաւ Զաքարիաս քահանայիւք և զուարճացան եկեղեցիք հեթանոսայ. այժմ յորդորէ

Այսօր Կարապետն Յովհաննէս խայտայր ցնծայր տեսանելով զԱստուածորդին իջմամբ ի ջուրն, այժմ յորդորէ, գետ յորդորէ



12

779

1876

<< Ազգային գրադարան



NL0032713

